



- omerart:** (*omer`art*)
omerart a meruul a ruul.
- omerdakl:** (*omerd`akl*)
omerdakl a ta er a bedengel a omenged el ousbech a berdakl.
- omerebart:** (*omereb`art*)
omerebart a mekudem el omart, mertiiia ududel, ocheuekl a kall, bertel.
- omereberek:** (*omereb`erek*)
omereberek a kokil el omerek; merek a babier, merekii a medal er a seked el omes, berekel.
- omerek:** (*om`erek*) (1)
omerek a merek, merekii a bail, merek a babier, berekel.
- omerek:** (*omer`ek*) (2)
omerek a duus er a blai, bai.
- omerekakl:** (*omerek`akl*)
omerekakl a olsiseb er a omerekaol; omerekakl a ilumel, merekeklii a kall, berekekkel a kelel.
- omerekaol:** (*omerek`aol*)
omerekaol a klekedellel a chad, charm; sisebellel a kall, ilumel, omerekolel.
- omerekarek:** (*omerek`arek*)
omerekarek a berekarek; mechitechut a mla omerekarek el ruebet er a delebedeb.
- omereked:** (*omer`eked*)
omereked a mereked; merekedii a babier era kboub, berkedel.
- omerekerek:** (*omerek`erek*)
omerekerek a meruul a urrekerek el uasech; merekerekii a uasech, merekerk a miich.
- omerekolel:** (*omerek`olel*)
omerekolel a omerekaol er ngii.
- omerellel:** (*omerell`el*)
omerellel a omeruul er ngii el chad.
- omerengakl:** (*omereng`akl*)
omerengakl a subechii er ngii; merengklii, daob a omerengakl er a chelechol.
- omeriokl:** (*omeri`okl*)
omeriokl a ngar ngii a beriokl er ngii; ralm a omeriokl el me tuobed er a chutem; ralm a omelloes er chutem.
- omerirt:** (*omer`irt*)
omerirt a merirt er a oeang; omesubel a mekemad.
- omerius:** (*omer`ius*)
omerius a mechakl; merius, berius a mla merusii a ert, berusel a ert.
- omerkseches:** (*omerks`eches*)
omerkseches a klekedall er a rrengodel, blai, orreked a omkuuk er a seches.
- omerober:** (*omer`ober*)
omerober a merober; melai el oba blekeu, chelbirukel; merberii a dui, bereberel a chutem.
- omeroel:** (*omer`oel*)
omeroel a omurech el oba beroel; merelii a temekai, meroel a maml, berelel ngikel.
- omerolel:** (*omer`olel*)
omerolel a omerael er ngii; merael.
- omerotel:** (*omer`otel*)
omerotel a olsechall er a berotel el mekreos el klalo, omerotel er a udoud, omertelel.
- omerous:** (*omer`ous*)
omerous a bingel; omerusel, omerukel, rousii a babii, remous a beras; rusel a kall.
- omerresngel:** (*omerresng`el*)
omerresngel a omerros er ngii, merros.
- omerrous:** (*omerr`ous*)
omerrous a berrusel; merrusii a mla mad el demal; merrous a meklou el blai.
- omerruul:** (*omer`uul*)
omerruul a mechiuau a rengul e mengedecheduch e merael, berruul, berrulel.
- omertachel:** (*omert`achel*)
omertachel a klekedall er a chad; uchul a ouach a omertachel; chebaod er a bebul a bkul a ouach.





omertelel

omertelel: (omertel`el)

omertelel a omerotel er ngii.

omertert: (omert`ert)

omertert a omekdirt, omekngiis,
mertert a such er a sils.

omertort: (omert`ort)

omertort a mengerengird;
mellekulek, dait a omertort er bab;
metongakl e ungil a dbechel.

omeruadel: (omeru`adel)

omeruadel a meloik el omrotech a
ongerellel, beruadel a omeruadel
el omrotech a omertechelel;
merudeli er a sechehelil.

omeruer: (omeru`er)

omeruer a melai, melit a
oruer.

omerusel: (omer`usel)

omerusel a omerous er ngii.

omeruud: (omer`uud)

omeruud a melubet, choroid,
merudii a chesimer, meruud a
reng, berudel.

omeruul: (omer`uul)

omeruul a meruul, omerellel,
klemerang a mocholt er a omeruul,
rullii a blai, remuul a kall,
rellel.

omes: (om`es)

omes a ues, mes, mesang, omes a
klekool, meiko a diak el omes,
osengel.

omesaad: (omes`aad)

omesaad a omengedereder,
olecholt, mesaad a biblia, osodel.

omesbus: (omesb`us)

omesbus a tekib el omus, mengurs,
kereel a kokil el omesbus;
kereel a melchesech.

omesebasech: (omeseb`asech) (1)

omesebasech a omasech; diak le
melemalt; ouchelebechib,
belsebasech el becall.

omesebasech: (omeseb`asech) (2)

omesebasech a omechur; olecholt a
ildisel; omasech a chelitelel el
udoud, mesechii, besechel.

omesebes: (omes`ebes) (1)

omesebes a melechet, mesaur,
mesebesii a ulechem el ngikel;
mesebes a billum, besebesel.

omesebes: (omes`ebes) (2)

omesebes a melib; oltaut a
urreor; rengelbechull er a buai
omesebes a urreor er a rael;
mesebesii a omengesiau,
besebesel, a omenged.

omesebosech: (omeseb`osech)

omesebosech a merrob,
omosech a urreolbeluu, soal el
melemall; mesechii a
okedcherul a skuul.

omesengei: (omeseng`ei)

omesengei a mocha omes; ues,
osengel.

omeseos: (omes`eos)

omeseos a omet; meseos a lius,
mesesii a chiklel a malk.

omeseuechel: (omeseu`echel) (1)

omeseuechel a klekedall el blil a
ulekoad.

omeseuechel: (omeseu`echel) (2)

omeseuechel a mesesusauch
er a ngor; omeseuechelngor.

omeseuechelngor: (omeseuechelng`or)

omeseuechelngor a mesesusauch
er a ngerel a chad.

omeseues: (omeseu`es)

omeseues a chelellakl el ues;
melai a telmukl; omeseues a
kldibel; omeseues a urreor.

omeseuokl: (omeseu`okl)

omeseuokl a klekedall el
omeseos, omeseuokl er a lius,
mesesii, meseos a ongerekur.

omesiich: (omes`iich)

omesiich a locha besichel; mesiich;
mesichii a skuul; menglebokel, dil
a mla mesichii, belsiochel.

omesilang: (omesil`ang)

omesilang a mocha omesoil;
blengur er a kebesengei, belsilel.

omesilung: (omesil`ung)

omesilung a mochu a omesoil.





- omesiul: (omes`iul)**
omesiul a oba ongeu; omesiul er a bilas, mlai, merreder a omesiul er a beluu, besurel.
- omesiur: (omesi`ur)**
omesiur a omesiul.
- omesodel: (omes`odel) (1)**
omesodel a melat; melektuk, mesodel, sodelii a uel; smodel a babii, sedelel.
- omesodel: (omesod`el) (2)**
omesodel a omesaad er ngii, mesaod er a urreor; omesodel a mlil a klechedaol.
- omesoil: (omes`oil)**
omesoil a omengur er a klebesei; belsoil.
- omesolel: (omes`olel)**
omesolel a blai er a kebliil; blai er a telungalk; diak le bliil a chad me a bechil.
- omet: (om`et)**
omet a omeseos, metir a chimal, met a tul a kerebou.
- ometebatek: (ometeb`atek)**
ometebatek a ometeuat, telkib el omatek; mangedmok el diak le meterekakl.
- ometebechel: (ometeb`echel)**
ometebechel a mangedmokl; omtebechel a llach, mtebechelii a rengul, mtebechel a chutem er a telungalek; utebechelel.
- ometebutek: (ometeb`utek)**
ometebutek a telkib e mekudem el omutek; ometebutek a medal, mtekii, mtebutek a ngerir.
- ometech: (om`etech) (1)**
ometech a metech, metechii a blai; uetech el bad, dengerenger a ometech a blai, mengaikedabel a blai el olab a bad; otechel.
- ometech: (omet`ech) (2)**
ometech a omech; a udoud el kldmokl el omech a bkaischemrungel el secher me a bebil er a usbechall a udoud er ngii el tekoi.
- ometechakl: (ometech`akl) (1)**
ometechakl a mangedmokl; medinges a ungil el ometechakl a rechad, otucheklii a chad e mekelii e mderengii, utecheklel.
- ometechakl: (ometech`akl) (2)**
ometechakl a omelau a tekoi; oungeroel er a kedung e saol a dengerenger a lorrenge e bo lodengei el kmo a tekoi a kirel.
- ometetuut: (ometeteu`at)**
ometetuut a telkib e mekudem el ometuut.
- ometkou: (ometk`ou)**
ometkou a melai a ralm el oba betkou, metkou a ralm er a delluchel.
- ometochel: (omet`ochel)**
ometochel a olsechall er a uetech; ometochel el miich, metechii, metech a miich.
- ometoeldisech: (ometoeld`isech)**
ometoeldisech a olechellel a bedul; betoel a disech er ngii el orenguus.
- ometuut: (ometu`at)**
ometuut a betok el omat el mo er a bab e mei er eou; meknig it a rael me a mlai a ometuut.
- ometuut: (omet`uut)**
ometuut a metuut, metutii a deel, ometuut a kerrekar, betutel.
- omeu a osul: (omeu a os`ul)**
omeu a osul a omdach a tekoi; chad el metitur el dulii a modeuades e ungil er a orenge a longedecheduch.
- omeu: (om`eu)**
omeu a omuu, mengii a ngais, me u a belatong, omeu a lius, bengel.
- omiall: (omi`all) (1)**
omiall a melebiall; kedeb a telil a mererd a medal; omiall el mei duum er a daob.
- omiall: (omi`all) (2)**
omiall a cheled el ko er a ksull, omiall a diak el kall; omekodall.





omiang

omiang: (*omi`ang*)

omiang a kldibel er ngii, iaes a omiang er a beraom el ngikel.

omiaot: (*omi`aot*)

omiaot a melechong, melecholb, omiaot a tekoi el oumesingd el usbechall er a rsechal.

omibais: (*omib`ais*)

omibais a merorael; omais el mo e mei; diak lorreched el merael, misii a chelechol.

omibii: (*omib`ii*)

omibii a mii el betok el bliongel; rrurous, blibii; mibii a beras; bibingel a babii.

omibiis: (*omib`iis*) (1)

omibiis a mekekakil e melemolem el omiis; omkais, omibiis a babier, misii, miis, bisel a babier.

omibiis: (*omib`iis*) (2)

omibiis a melemolem el omiis el me tuobed, ralm a omibiis er a chutem.

omiboid: (*omib`oid*)

omiboid a omoid, meses el merael, miboid a beluu, midii a oreomel, omiboid a chebechiil; bidel.

omiboik: (*omib`oik*)

omiboik a melelechesokl; uos a omiboik er a ked, omoik, bikel a uos.

omichoech: (*omich`oech*) (1)

omichoech a metikm a rengul er a ngasechereng; kmal kesib a rengul el soal el oldechelakl.

omichoech: (*omich`oech*) (2)

omichoech a mui, betok, bediu el beab a omichoech er a chiekl.

omid: (*om`id*) (1)

omid a mid, choiseksid,omid a chimal er a chiul, blid.

omid: (*om`id*) (2)

omid a mengemekl; mesisiich el mdengii a rengul e mengereker, ngalk aomid er a demal.

omides: (*om`ides*)

omides a mides, chemoit, uldechem a di mides a chimal a bulis, mdesii a chimal a bulis e outoketok; bdesel a chimal a bulis.

omidokl: (*omid`okl*)

omidokl a ometech, midokl a lius, mideklii a bduu, bideklel.

omii: (*om`ii*)

omii a merous, meleukes, mii a ngerachel, omii a kall, bingel.

omiich: (*om`iich*)

omiich a meleakl a ungil er a mekngit, kerrekeriil a miich a klemerang, bichel.

omiiked: (*om`iiked*)

omiiked a mengerechir, mengerechir a betok el udoud.

omiir: (*om`iir*)

omiir a ta er a telengtengil a omengaus; mirii a sualo; omiir er a tet.

omiis: (*om`iis*) (1)

omiis a omkais, olechob, misii a babier, miis a berrotel; olecholt.

omiis: (*om`iis*) (2)

omiis a me tuobed er a bab, ralm a omiis er a bebul a chutem.

omikel: (*om`ikel*)

omikel a nguu a bitang el mo er a bab; mikel a ouach; meloik e mikelii a ochil; omikel er a kiuel el mengaiu a iedel; bikelel.

omilel: (*om`ilel*)

omilel a omail er ngii.

omilel: (*omil`el*)

omilel a omail er ngii.

omilkolk: (*omilk`olk*)

omilkolk a rullii el mo milkolk; chull a omilkolk er a beluu, chebilla omilkolk er a blai; ilkelkel.

omilt: (*om`ilt*)

omilt a omelekl; melekoi a mla medung; omilt a mla memong.

omingel: (*om`ingel*)


omingel a ominger.





- ominger:** (*om`inger*)
ominger a ongesechii er a meched;
chedelchei a mla minger a bilas,
mingerii a ert; blinger e omkeriik.
- omings:** (*om`ings*)
omings a bingsbedul; ringel er
a bedul, ringelel a uldasu; diak
a ngodech el omings er a chad,
ng di bedul a omings, bengsel.
- omiochel:** (*omi`ochel*)
omiochel a olsechall er a biich;
kerrekeriil a omiochel, omiich a
klemerang; bichel.
- omiou:** (*omi`ou*)
omiou a koididai; mo betok,
miungii a kall, miou a tekoi e
diak a meruul, oked el omiou.
- omir:** (*om`ir*)
omir a mir; omir er a bir, omir er a
til el bechachau; brengel.
- omiroi:** (*omir`oi*)
omiroi a melmesumech, rengalek
omiroi a chimorir er a bilas.
- omis:** (*om`is*)
omis a merekui, misur a
chedecholl, mis a cheuikl; omis er
a nglemellel.
- omisbis:** (*omisb`is*)
omisbis a mangedengodech,
mekudem el mo ngodech.
- omisebusech:** (*omiseb`usech*) (1)
omisebusech a kmard e mad;
bisebusech a omisebusech.
- omisebusech:** (*omiseb`usech*) (2)
omisebusech a omok e omutek,
omisebusech a medal.
- omisekl:** (*omis`ekl*)
omisekl a amid, blisekl; chetil a
tekoi e kongei el kesib a rengul; biseklel.
- omitang:** (*omit`ang*)
omitang a mocha omuit; tuu a
omitang; tobeda chisil.
- omitech:** (*om`itech*)
omitech a diak le melemalt;
mitech a mlai; mtechii a ert;
omitech a loracl; kedeb a bita el
ochil.
- omitelek:** (*omitel`ek*)
omitelek a mengimut;
mitekelengii a sechelil;
omedechakl er ngii; mitelekl,
bitekelengel.
- omitokl:** (*omit`okl*)
omitokl a ouach a ngar a bab e a
chim a merael; miteklii a oluches,
mitokl a idungel, blitokl a
oecherel; biteklel.
- omitulek:** (*omit`ulek*)
omitulek a ouedikel el
mengerechir er a soal; omitulek
el soal a udoud, omitulek er a kleald.
- omkais:** (*omk`ais*)
omkais a omok; ngmai a
dangeb, mkisii a chesimer,
mkais aklengoes, bkisel.
- omkar:** (*omk`ar*) (1)
omkar a locha kar; mkerur,
toktang a omkar er a cheltechat,
mkar a secher; ukerul.a kltkat.
- omkar:** (*omk`ar*) (2)
omkar a omsar; mkar a ngikel,
ukerul a ngikel.
- omkekebesei:** (*omkekebes`ei*)
omkekebesei a omekchuu er a
sils; mengiil el mo kebesesengei,
omerael a omkekebesei.
- omkeriik:** (*omker`iik*)
omkeriik a mengiil er a keriiik;
bilas a omkeriik e mochu omekall.
- omketel:** (*omket`el*) (1)
omketel a ouemoket er ngii,
besichel a bedul; omketel a malk.
- omketel:** (*omket`el*) (2)
omketel a boket er ngii, omketel a
cheldechoduch el mo melemalt; mo
diak a klsib el reng.
- omkikrirech:** (*omkikr`irech*)
omkikrirech a diak el ungil el
mesang; omkikrirech e menguii a
babier; meknigil a medal a omkikrirech.
- omkiksau:** (*omkiks`au*)
omkiksau a mekekakil el
omeksmau; meruul er ngii el mo
smau; meksongii a ngalek, uksongel.





omkilkolk

omkilkolk: (*omkilk`olk*)

omkilkolk a mengiil el mo milkolk;
meritekoakl a omekilkolk e merolong.

omko: (*omk`o*)

omko a kilong; omko ke mlei e
kede merrael el mo er a ngobard;
omko ke mellemolem e ke mla
rokir a skuul.

omkobb: (*omk`obk*)

omkobb a ngmai a budel; mkebkii
a billum, mkobb a tuu, bkebkkel.

omkokl: (*omk`okl*)

omkokl a ulkokl; mekiis er a
mouais, mekiis er a milkokl,
omkokl el mo er a bor, mkeklii a
urreor.

omkukel: (*omkuk`el*)

omkukel a omkuuk er ngii.

omkuuk: (*omk`uuk*) (1)

omkuuk a mkuuk a remuul el mo
meklou; mkuuk a blauang, bkukel
a blauang.

omkuuk: (*omk`uuk*) (2)

omkuuk a klekedellel a chado er a
bai me a blai.

omlals: (*oml`als*)

omlals a omals; melsii er a stoang,
ngar ngii a belsel, oublals.

omlaoch: (*oml`aoch*)

omlaoch a mlaoch; mes e melekoi
a ngar medad el tekoi er uchei er a
ldubech; mlochii a merserasech el
kodall, ulochel.

omlaol: (*oml`aol*)

omlaol a mlaol, mlolii a blii; locha
ulaol; ulolel.

omlibl: (*oml`ibl*)

omlibl a oltobed; mlibl a chelais el
ngimes; mleblii a mdechel, mlibl a
bleblel.

omlotk: (*oml`otk*)

omlotk a suchesokl; mlotk er a
daob; omlotk el mo er bab; omlotk
er a tuangel.

omlutek: (*oml`utek*)

omlutek a omekall a mlai el ouiars;
rebuik a keblutec el kaidesachel.

omngakl: (*omng`akl*)

omngakl a msa ngklel; mengklii a
ngelekel el Dilianged.

omngamech: (*omng`amech*)

omngamech a msa chemachel,
mngamechii.

omngamk: (*omng`amk*) (1)

omngamk a locha ungamk;
mngemkii a rael, mngamk, locha
ungemkel a omekedecheraol

omngamk: (*omng`amk*) (2)

omngamk a omes; diak lourreor e
dengchokl el omngamk er a
ruurreor; ungemkel.

omngar: (*omng`ar*)

omngar a melai a idungel, mngar a
tebechel, mngerur a bkau,
bngerul a tebechel.

omngaur: (*omng`aur*)

omngaur a meoud; outachuachu,
kedelebuu a omngaur a rruert,
omngaur a loracl.

omngei: (*omng`ei*)

omngei a mocha omung; dubecha
bngal; iedel a omngei.

omngim: (*omng`im*)

omngim a mesterir a imelir; msa
imelel; mngelmii a smecher;
mngim a babii, ungelmel.

omngob: (*omng`ob*)

omngob a oba tedebechel el mo
er a medal e mei; oba tedebechel el
mo er a bab e mei er eou.

omoachel: (*omo`achel*)

omoachel a diosech; diong,
omoachel er a Ngerdorech;
omochelel.

omoch: (*om`och*)

omoch a otilech; olsarech, moch a
chudel, mechengii a delul el
meduu, ochengel.

omochelel: (*omochelel`el*)

omochelel a omoachel er ngii.

omodech: (*om`odech*) (1)

omodech a rullii el mo obodech;
mo chellochoes; omodech er a
mlai, medechii a bail, bedechel.





- omodech:** (*om`odech*) (2)
omodech a olab a cheldingelel
melai; medechii a ngikel, modech
a kall, bedechel a odoim.
- omodes:** (*om`odes*) (1)
omodes a rullii el mo kltkat e
meringel; ongor a modes a ngor
obodes a meringel daob.
- omodes:** (*om`odes*) (2)
omodes a omeldakl, modes a
ngikel, medesii a malk; beches el
klengoes; bedesel a ngikel.
- omodk:** (*om`odk*)
omodk a meliud, toktang a omodk
er a diil, medkii a ulkel a smecher;
bedkel a mad.
- omoech:** (*om`oech*)
omoech a omurech el mo er a bab e
mochu er eou; omoech er a biskang;
moech a uloch, bechel a biskang.
- omoes:** (*om`oes*)
omoes a oba boes el mengetkat;
mosii a babii, moes a belochel;
bosel a malk.
- omoid:** (*om`oid*) (1)
omoid a merael; omais, moid a
beluu, chad er a usaso a omoid a
beluu, midii, bidel.
- omoid:** (*om`oid*) (2)
omoid a chad er a chelitakl,
melibech a boid.
- omoik:** (*om`oik*)
omoik a melechesokl; merdekekl
e remurt, uos a omoik er a ked,
bikel a uos.
- omok:** (*om`ok*)
omok a omkais; mok a babier,
mekengii a medal, omok er a
ngerel el melekoi; bekengel a ngor.
- omoket:** (*om`oket*)
omoket a oltobed; moket a udoud,
meketii a uldurokl, beketel.
- omolech:** (*om`olech*) (1)
omolech a engelakl er a belsechel;
ngodechii a taem er a omerael;
omerael a omolech el mo klukuk,
diak el chechang.
- omolech:** (*om`olech*) (2)
omolech a obolech; mo dechor e
medecherecher, blolech.
- omolobel:** (*omol`obel*)
omolobel a merael menguchiud er
ngii; bersoech a merael el omolobel.
- omomb:** (*om`omb*)
omomb a melai el oba bomb,
momb a cheluch, membii a ralm,
bembel.
- omomk:** (*om`omk*)
omomk a omomb.
- omor:** (*om`or*) (1)
omor a merael a delel, ulul; diak el
ochil; ngalek a omor er a ulul er a
ulaol, bereel a ulul.
- omor:** (*om`or*) (2)
omor a loia chimal er ngii; mor a
chimal er a bdelul; bereel a chim er
a bedul.
- omosech:** (*om`osech*) (1)
omosech a omekesangch; omok a
rekung; mosech a chemang.
- omosech:** (*om`osech*) (2)
omosech a torob, mesechii a
belsechel, mosech a urreor,
besechel a urreor.
- omotech:** (*om`otech*)
omotech a melamet; oldeu, motech
a rengrir a rebuik; beruadel a
omotech a reng, mtechii a rengul a
demal.
- omouch:** (*om`ouch*)
omouch a melbotb; mouch a
idungel, melutiud a lild; buchel a
bambuu.
- omouchedekel:** (*omouched`ekel*)
omouchedekel a ta er a bedengel a
ngikel.
- omrachim:** (*omr`achim*)
omrachim a oldekdak; mrachim a
beras er a odoim; mrechemii a brak
er a diokang; urechemel.
- omralm:** (*omr`alm*)
omralm a locha ralm er ngii,
mralm a klengoes, omralm a
selokel; urelmel.





omrechang

omrechang: (*omrech`ang*)

omrechang a mocha omurech.

omrechorech: (*omrech`orech*)

omrechorech a ngar ngii a brechorech; klengoes a omrechorech, brecherechel.

omrechung: (*omrech`ung*)

omrechung a omurech e kung, mochu omurech.

omrekodel: (*omrek`odel*)

omrekodel a klekedall el brekedall a bail er ngii; cheleatel me a lechub e ng bambuu el omrekodel.

omrer: (*omr`er*) (1)

omrer a klalo el berriid; ngar er a diak lolsechelel; bilu a di omrer er a ulaol.

omrer: (*omr`er*) (2)

omrer a ngar a brer, rengalek a omrer el milil; melkelikes er a brer.

omreu: (*omr`eu*)

omreu a mengemochem, smecher a di omreu er a blai.

omriid: (*omr`iid*)

omriid a merraki; diak el longudel; mriid a besbas, omriid a rechad, bridel a delengchokl.

omriked: (*omr`iked*)

omriked a locha er a omrekodel; mrekedii a taor; mriked a bail, brekedel.

omringd: (*omr`ingd*)

omringd a melimet; mengoit a ngmatel el daob, mrengdii a mlai, brengdel.

omritel: (*omr`itel*)

omritel a ouderiu; melmesim a bedengel; diak le chelellaki; omritel er a kerrasem, bertel el a dadk.

omrodech: (*omr`odech*)

omrodech a melecha urodech; merdechii, mrodech a bilel a ngalek, urdechel.

omrotech: (*omr`otech*)

omrotech a okesebaki a chimal; omrotech er a deurreng, oldanges; mrotech a chimal, domrotech! bertechii! bertechel

omsaker: (*oms`aker*)

omsaker a locha usaker; msekerii a buik; msaker a telechull; usekerel.

omsang: (*oms`ang*)

omsang a msang; odars a udoud.

omsangel: (*oms`angel*)

omsangel a blil a udoud; blil a mekreos el klalo, omsengelel a buai.

omsar: (*oms`ar*)

omsar a locha sar er ngii; msar a klengoes, mserengii, userengel.

omsaso: (*oms`aso*)

omsaso a mengereker; ourreor el kirel, msaso a udoud, msesouii a chutem, usesoel.

omsau: (*oms`au*)

omsau a kmurs el okeed; msau a reng, mseur a rachel, useul a rengul a soal.

omsechem: (*oms`echem*)

omsechem a mesisiich el orreked; mengreos, msechem a chutem, msechemii a udoud, usechemel a blai.

omsengelel: (*omsengel`el*)

omsengelel a omsangel er ngii.

omsesaso: (*omses`aso*)

omsesaso a telkib el omsaso.

omsibs: (*oms`ibs*)

omsibs a rullii a blsibs; remuul el mo metetoech, msebsii a kboub, msibs a kerrekar, bsebsel.

omsuul: (*oms`uul*)

omsuul a klekedall er a omengereel, ko er a bikel.

omsuus: (*oms`uus*)

omsuus a omkuuk; klalo el msuus; remuul el obsuus; omsuus a blauang, bsusel.

omtab: (*omt`ab*)

omtab a mes e mo medengei; remenges e ngmai; mtab a tekoi, mtebengii a rael, utebengel.

omtanget: (*omt`anget*)

omtanget a rmuul el mo mengeldoech, mtanget a toluk, mtengetii, btengetel a toluk



- omtaor:** (*omt`aor*)
omtaor a ultechakl; kerrekar a mla
mtaor a besbas, otaor a mla mtorii
a mlai, utorel.
- omtar:** (*omt`ar*)
omtar a dengchokl er a btar e
omtar el mo e mei; rengalek a
omtar; bterul.
- omtechei:** (*omtech`ei*)
omtechei a kaitutechei; msa babier
e nguu a oluches, nguu a klok
e msa kebkab; omtechei a saul,
techil.
- omtechet:** (*omt`echet*)
omtechet a melebisech a tekoi;
mengesang a cheldechoduch;
onger e oker el diak le belduut a
tekingel, utechetel a tekoi.
- omtelakl:** (*omtel`akl*)
omtelakl a dmak el betok el mong;
rebuik a omtelakl er a bliil a
olterau a ice.
- omtelub:** (*omtel`ub*)
omtelub a oungelakel el melemall;
mtelbar a omerolel a ouretakl;
utelbal a milil e soal a udoud.
- omtetab:** (*omtet`ab*)
omtetab a telkib el omtab.
- omtetanget:** (*omtet`anget*)
omtetanget a telkib el omtanget.
- omtetebatek:** (*omteteb`atek*)
omtetebatek a omtebatek.
- omtetebechel:** (*omteteb`echel*)
omtetebechel a telkib el
omtebechel.
- omtetebutek:** (*omteteb`utek*)
omtetebutek a omtebuket.
- omtetechakl:** (*omtetech`akl*)
omtetechakl a telkib el omtechakl.
- omtetechei:** (*omtetech`ei*)
omtetechei a telkib el omtechei.
- omtetechet:** (*omtet`echet*)
omtetechet a telkib el omtechet; di
mechesang el omtetechet e diak el
suub a tekoi.
- omtetelub:** (*omtetel`ub*)
omtetelub a telkib el omtelub.
- omteteuet:** (*ometeteu`et*)
omteteuet a telkib el omet.
- omteteuuetech:** (*ometeteu`etech*)
omteteuuetech a omteuuetech.
- omtetibek:** (*omtet`ibek*)
omtetibek a melecha utibek;
mekudem el omtibek.
- omteuet:** (*ometeu`et*)
omteuet a telkib e mekudem el
omet; toktang a ometeu a
bedengel a smecher.
- omteuuetech:** (*ometeu`etech*) (1)
omteuuetech a kokil e blechoel el
omtech; ometeuuetech a charm.
- omteuuetech:** (*ometeu`etech*) (2)
omteuuetech a melai a
uteuuetech.
- omtibek:** (*omt`ibek*)
omtibek a melib a tekoi; omuchel a
urreor, rengelbechull er a buai a
omtibek a urreorlbenuu.
- omtilou:** (*omtil`ou*)
omtilou a melailou; omdor,
oba a llet a tuu el omtilou er ngii;
ert a omtilou er a chelebacheb e
mengiil er a iusech.
- omtitechakl:** (*omtitech`akl*)
omtitechakl a merael el obengkel a
eolt; ulekoad a mesil er ngii el ert
a omtitechakl.
- omtituat:** (*omtitu`at*)
omtituat a ometuat el mo er bab e
mei er eou; ert omtituat er a
ringeldaob.
- omtoched:** (*omt`oched*) (1)
omtoched a melecha toched;
mtoched a biskang, mtechedii a
onges er a lius, utechedel a onges.
- omtoched:** (*omt`oched*) (2)
omtoched a mengurs; mtechedii a
kerreel; omtoched er a chetakl el
melchesech; utechedel.
- omtok:** (*omt`ok*)
omtok a ultok; diak le kengei;
mtok a llach, utekengel a llach a
mengebuul er a beluu, mtekengii
a ringeldaob.



omtuitech

omtuitech: (*omtu`itech*)

omtuitech a mekudem el omitech;
ert a omtuitech; meuitech el mo e mei.

omturech: (*omt`urech*)

omturech a meruul el mo bluoi;
mturech a ukar; mtereichii a
ukerul; uterchel.

omtut: (*omt`ut*)

omtut a oltut; msa tut, chedil a
omtut er a ngelekel, otutur, otutul.

omtutk: (*omt`utk*)

omtutk a melecha ututk; mtutk a
dellomel; mtetkii a rael, utetkel.

omuachel: (*omu`achel*)

omuachel a melekoi a urrengulel
el ua le ngar ngii; ouchais a el kirel
a soal el dil a leko te kaodengei;
chaisngemokel; bluachel er ngii.

omub: (*om`ub*)

omub a melai a ngikel me a
chemang er a bub, sechelik a mla
mngii bngel e mub a bngel.

omubaus: (*omub`aus*)

omubaus a mekudem el omaus;
remeloik a omubaus a ocherir.

omubuu: (*omub`uu*)

omubuu a betok el omuu, mubuu
a boes; boes a obubuu.

omubuud: (*omub`uud*)

omubuud a omuud.

omuchel: (*om`uchel*)

omuchel a oltaut; muchel a urreor,
mechelii a uldikel; omuchel a
klakoad, uchelel.

omudech: (*om`udech*) (1)

omudech a otobed a kllel, smecher
a mla omudech, mdechii a ulaol,
mdechel.

omudech: (*om`udech*) (2)

omudech a meruul a budech,
oldak, a rengir a rechad; dachelbai
el merreder a omudech a
deleongel, mdechii a beluu, bdechel.

omudech: (*om`udech*) (3)

omudech a oldak; odak a betok el
dui e mudech el mo ta el bludech;
omudech a dui; bdechel.

omuid: (*om`uid*)

omuid a mereked, odak; muid a
babier, mudii a ngerel a tulechoid.

omuit: (*om`uit*) (1)

omuit a melobech, muit a deb el
ngmai; mitii, bitel a deb.

omuit: (*om`uit*) (2)

omuit a meliokl el mo meketeket;
melecha betok el ralm; uluit el brak.

omuit: (*om`uit*) (3)

omuit el tuu a tobeda a chisil,
mla omuit a tuu, omitang.

omuit: (*om`uit*) (4)

omuit a melim er a medal a
ollumel; diak el oukob; mekngit a
omuit a ollumel.

omuked: (*om`uked*)

omuked a omdecham; melai el
ousbech a uked, muked a ngikel,
omuked a rekas, mkedii a ngalek, ukedel.

omukel: (*om`ukel*)

omukel a duobech el mitelek;
mukel el mei er eou; mkelii a
kerrekar, ukelel a lius.

omuks: (*om`uks*)

omuks a mo tebull, meksii a
ngerel; kesib a rengul a bluks a
ngerel, beksel a ngor; omuks a tul.

omul: (*om`ul*)

omul a merrob a ngeiul; mla ruebet
a bul er a belochel; blul er a ngeiul
a uel.

omulak: (*omul`ak*)

omulak a outingaol; melekoi a
klsuul; mulekngii a beluu,
blulekngel, bulekngoel.

omulech: (*om`ulech*)

omulech a mengui; oldak; mulech
a ilumel; mengui a sukal me a
ongerekur; blechel.

omulk: (*om`ulk*)

omulk a diak le melemalt; omulk
el uulk, omulk a ulkel, kulkelel.

omult: (*om`ult*)

omult a mult a chebecheb a mo
dengarech; mult a chutem, meltii
a smecher, beltel a reng.





- omung:** (*om`ung*)
omung a dubecha bngal; ngar ngii a bung, chelilai a omung; iedel a omngei.
- omung:** (*om`ung*)
omung a blung, mengtii a bdelul; diak le blekatel a chiul, bengtel.
- omur:** (*om`ur*) (1)
omur a teleu a rekel; omur a kim, breel a kim.
- omur:** (*om`ur*) (2)
omur a mengam er ngii, omur a oluches, chemul a oluches.
- omurech:** (*om`urech*)
omurech a oba biskang, mrechii a ngikel; mengaidechedang el omurech; murech a ngikel.
- omurek:** (*om`urek*)
omurek a ngodechii a bedengel el oba burek; murek a such; brekel a bail.
- omus:** (*om`us*) (1)
omus a smuk, mesngii a kall er a mamed; mus a lius er a techiir, besngel.
- omus:** (*om`us*) (2)
omus a mengurs; omerober, omus a chutem, mesngii a ngalek er a delal, mus a udoud; besngel a chutem.
- omusech:** (*om`usech*)
omusech a omadel; musech a chesemel, musech a chiul, msechii a dait, bsechel.
- omusekl:** (*omus`ekl*)
omusekl a blusekl el ouach el ulechadu er a ochil a tang a omusekl, museklii, kabusekl, buseklel.
- omutek:** (*om`utek*)
omutek a mutek; blutek; diak le blok; mutek a medal, mtekii a ngerel, btekel.
- omuu:** (*om`uu*) (1)
omuu a meliud; omeu, mungii a lius, bungel.
- omuu:** (*om`uu*) (2)
omuu a ta er a bedengel a cheled.
- omuu:** (*om`uu*) (3)
omuu a muu, rsoldau a omuu a boes, mungii, bungel.
- omuud:** (*om`uud*) (1)
omuud a merekui; merreder a mla muud a urreor, mudii a uked, omuud er a cheroll; mo merek.
- omuud:** (*om`uud*) (2)
omuud a mengeald, omuud a rengud er a kleald, chetid a kall; omubuud a reng er a kleald.
- omuus:** (*om`uus*)
omuus a olengit, melekoi me ng meruul; uus er a kall; omuus a kles, musii a blai, uesel a bail.
- omuut:** (*om`uut*) (1)
omuut a mengudel el mo kedidai; muut a chutem; mutii a chelechol, butel a besbas.
- omuut:** (*om`uut*) (2)
omuut a melai a chiull el cheled, remechas a omuut er a kereker.
- ongadeding:** (*ongaded`ing*)
ongadeding a udoud el chemad a ding; bribe (rrodell).
- ongael:** (*ong`ael*)
ongael a ta er a bedengel a kerrekar.
- ongaet:** (*ong`aet*)
ongaet a ongeatel; klekedall el mengaet; ongaet er a kerreel.
- ongaidesomel:** (*ongaides`omel*)
ongaidesomel a ta er a bedengel a besebes.
- ongakd:** (*ong`akd*)
ongakd a olengakd; olengemai el mo er a ngodech, ongakd a kall, ongkdi a ilumel, ongkdel.
- ongalek :** (*ong`alek*)
ongalek a chad, bechil me a rengelekir; ongalek a kmeed el klauchad.
- ongall:** (*ong`all*)
ongall a blil a odoim el delsachel el kerrekar; ongolet.
- onganged:** (*ong`anged*)
onganged a oltengel er eou; olenganged a kerrekar; ongangedii er a lius; ngmanged.





onganget

onganget: (ong`anget)

onganget a olenganget; mei er eou; mo er a uriul; onganget a cheral a beras; ongengetii er a deruchall, ongengetel.

ongaok: (ong`aok)

ongaok a olengaok; chelechad er a chelitakl a mla ongaok a ngokir, ongokel.

ongas: (ong`as) (1)

ongas a kar me a lechub e ng klekedall el merrob a kldiull.

ongas: (ong`as) (2)

ongas a klalo el mengas; rullii a klalo el mo bechachas.

ongasech: (ong`asech)

ongasech a olengasech el mo er a bab; ongasech a ududir; ongesechii er a kingall, ongesechel.

ongasireng: (ongasir`eng)

ongasireng a mengasireng; omal a reng, ongasireng a omerael er a buil.

ongat: (ong`at)

ongat a klekedall, klalo el mengat, orrangal a ongat er a ngikel, otur, chemat, chetul.

ongaud: (ong`aud)

ongaud a klalo, klekedall el melenget, kesokes a ongaud er a ngikel; kmaud a ralm, kudel.

ongaus: (ong`aus)

ongaus a chaus, ongaus er a chemachel.

ongbesall: (ongbes`all)

ongbesall a kirel el mongibes; rebis a ongbesall er a klebokel el ngloik, mo sorir; nguibes er a ungil el dil, ongbesel.

ongbesel: (ongbes`el)

ongbesel a ongibes er ngii.

ongbesii: (ongbes`ii)

ongbesii a olengibes er ngii; rullii el kmal mo soal.

ongchengchall: (ongchengch`all)

ongchengchall a kirel el mongchongch; onchengchii a bul er a uel; mo diak a bul el telkib, onchengchel.

ongchengchel: (ongchengch`el)

ongchengchel a ongchongch er ngii, mo subed; modiak a bul el telkib.

ongchengchii: (ongchengch`ii)

ongchengchii a olengchongch; mo diak a blul el telkib.

ongchongch: (ongch`ongch)

ongchongch a olengchongch; torob a klisichel el telkib.

ongchutel: (ongch`utel) (1)

ongchutel a ta er a bedengel a ngikel.

ongchutel: (ongch`utel) (2)

ongchutel a ta er a bedengel a lius el chechutel; merkos a sudel; menguchet a ongchutel.

ongdboll: (ongdb`oll)

ongdboll a bai; bliil a kldibel, bliil a ongdibel, rengineasek a ouongdboll a tebetab.

ongdibel: (ongd`ibel)

ongdibel a kldibel; ongdibel a mo er a bai.

ongduoll: (ongdu`oll)

ongduoll a olsechall er a omengduul; ongduoll a keburs, taoch, kebekabel.

ongesai: (onge`ai)

ongesai a ochur (8), ongeai el buil, ongeai er a rurt; ongeai el ngalek.

ongeald: (onge`ald)

ongeald a klekedall el mengeald; ongelidel er a ralm, kmeldii, koald, ongeldel.

ongeasek: (onge`asek) (1)

ongeasek a olengeasek; suebech a ildois, ongeasek a tekoi, ongesekii a kall, ongesekel.

ongeasek: (onge`asek) (2)

ongeasek a omechobech el ulengeasek; omuchel er a kot el mo tuobed er a uriul;


ongeatel: (onge`atel)

ongeatel a ongaet.

ongebebai: (ongebeb`ai)


ongebebai a kar el mesumech e omoket el ousbech a chilt me a lechub e ng olai.





- ongebeet:** (*ongeb`eet*)
ongebeet a olengebeet; olab el mo er eou; ongebeet a ngerir el mo kekerei; ongebetii a bdelul; ongebetel.
- ongebetall:** (*ong`ebetall*)
ongebetall a kirel el mongebeet; mo kekerei e mo er eou; olengebeet a ngeriu er a seked.
- ongebetel:** (*ongebet`el*)
ongebetel a ongebeet er ngii; olengerbeet
- ongebetii:** (*ongebet`ii*)
ongebetii a olengebeet er ngii.
- ongebis:** (*ongeb`is*)
ongebis a klekedall el mengebis, ongebis er a diokang, chebis (klekool).
- ongebitel:** (*ongeb`itel*)
ongebitel a blil a besbas; cheitel a besbas er ngii; diak el ongebitel a rechad.
- ongebitelulengall:** (*ongebiteluleng`all*)
ongebitelulengall a edei (3) el klebesei er a uriul er a orakiruu.
- ongesbuul:** (*ongesb`uul*)
ongesbuul a ongebis er a chebsuul.
- ongeched:** (*ong`eched*)
ongeched a klekedall el mengeched; ongeched er a lius; ongededel.
- ongedaol:** (*onged`aol*)
ongedaol a chad, klalo el mengedaol, ongedolel.
- ongedchedechaol:** (*ongedchedech`aol*)
ongedchedechaol a olsechall er a cheldechcheduch; blil a omengedcheduch.
- Ongedechuul:** (*ongedech`uul*) (1)
Ongedechuul a ta er a ngklel a beluu er a Ngerdmau.
- ongedechuul:** (*ongedech`uul*) (2)
ongedechuul a kldachelbai, chad er a ongedechuul a meduch el chudechuul a chetituokel el mo ungil; meduch el mengedechuul; chedechulel a tekoi.
- ongedei:** (*onged`ei*)
ongedei a ochur (3), Ongedei el urreor, Ongedei el buil, ongedei el skuul.
- ongedelel:** (*onged`elel*)
ongedel a ongedoel er ngii.
- ongederdellel:** (*ongederdell`el*)
ongederdellel a ongederdull er ngii.
- ongederdull:** (*ongederd`ull*)
ongederdull a olsechall er a cheldull; bai a ongederdull er a beluu.
- ongedoel:** (*onged`oel*)
ongedoel a olsechall er a omenged el klalo; kmedii er a tebel, kmed er a ulaol, ulaol a ongedoel.
- ongedolel:** (*onged`olel*)
ongedolel a omengedaol er ngii.
- ongeim:** (*onge`im*)
ongeim a ochur (5), Ongeim el buil, ongeim el ngalek, ongeim er a rak.
- ongekad:** (*ongek`ad*)
ongekad a ongut; emull er a daob el mengekad; mengut a buld, chelut er a ongekad a mekekad.
- ongelaod:** (*ongel`aod*)
ongelaod a klekedall, cheldechuu el mengelaod; oldeu a reng, cholodii a ngalek, cholaod a klengit el reng, ongelodel.
- ongeldelel:** (*ongedel`el*)
ongeldelel a ongeald er ngii.
- ongelebed:** (*ongel`ebed*)
ongelebed a klekedall el mengelebed, ongelebedel.
- ongelebedel:** (*ongelbed`el*)
ongelebedel a ongelebed er ngii.
- ongelengoll:** (*ongeleng`oll*)
ongelengoll a mekudem el ongoll.
- ongelidel:** (*ongel`idel*)
ongelidel a ongeald.
- ongellel:** (*ongell`el*) (1)
ongellel a ongull er ngii; olengull er urreor.
- ongellel:** (*ongell`el*) (2)
ongellel a ongil er ngii; olengill a iedel; orrebet.





ongellii

- ongellii: (ongell`ii) (1)**
ongellii a olengill er ngii; orebetii a iedel; ongellet.
- ongellii: (ongell`ii) (2)**
ongellii a olengull; torbengii a urrear el telkib e ongelii er a mechuu.
- ongelngelel: (ongelngel`el)**
ongelngelel a ongelungel er ngii.
- ongelngul: (ongelng`ul)**
ongelngul a kmal imiit a medal; mechiuaiu el orrebet er a ngul.
- ongelodel: (ongel`odel)**
ongelodel a ongelaod er ngii.
- ongelolem: (ngel`olem)**
ongelolem a ochur (6), Ongelolem el buil, ongelolem er a rak.
- ongelt: (ong`elt)**
ongelt a olengelt; olsechesech el mo er eou; ongelt a dellomel el dait, ongeltii a chimal er a chutem; ongeltel.
- ongeltall: (ongelt`all)**
ongeltall a olsiseb er a chelsel, kirel el mongelt, dait a ongeltall er a chutem, ongeltii.
- ongeltel: (ongelt`el)**
ongeltel a ongelt er ngii.
- ongeltii: (ongelt`ii)**
ongeltii a olengelt er ngii.
- ongeluatel: (ongelu`atel)**
ongeluatel a olsechall, bliil a omengeluut, melai a cheluut er a ongeluatel.
- ongeluluul: (ongelul`uul)**
ongeluluul a olsechall er a omengedechedechal a kelulau; bliil a kelulul a Klobak.
- ongelungel: (ongel`ungel) (1)**
ongelungel a klekedellel a chad; bab er a uchul a chim; mengol a ngikel el kldoel er a ongelngelel.
- ongelungel: (ongel`ungel) (2)**
ongelungel a klekedall el ngosuir a omengol; kerrekarak a ungil el ongelungel.


- ongeluut: (ongel`uut)**
ongeluut a klekedall el mengeluut, msa eolt; oruoru a ongeluut, sembuki.
- ongem: (ong`em)**
ongem a klekedall el ngoseuir a chad el mengem a oberoed; ongem er a klou el kerrekarak.
- ongemai: (ongem`ai)**
ongemai a olengemai; olengakd el mo er a ngodech el olsechall; ongemai a kall el mong, ongemil a ilumel el mo er a bai.
- ongemdel: (ongemd`el)**
ongemdel a ongimdel er ngii el ochado; mengimdel a chui.
- ongemechimmel: (ongemech`imel)**
ongemechimmel a bliil a chemochem, smecher a ousbech a ongemechimmel.
- ongemek: (ong`emek)**
ongemek a ngemek, ongemekii, ongemek er a ringel, ngemekel.
- ongemekall: (ongemek`all)**
ongemekall a kirel mongemek, ongemek er a dechil; ngemekel a cheroll; ongemekii.
- ongemekel: (ongemek`el)**
ongemekel a ngemek er ngii; ongemek.
- ongemekii: (ongemek`ii)**
ongemekii a ongemek er ngii, ngemekel.
- ongemekl: (ongem`ekl)**
ongemekl a klekedall er a omengemekl; kerrekariiil er a Siabal a ousbech a ongemekl (irechar), omeklii a chad el mo meringel e melai a nger.
- ongemengemek: (ongemeng`emek)**
ongemengemek a mekudem el ongemek.
- ongemiil: (ongem`iil)**
ongemiil a kirel el mongemai; ongkdall, olngemai a kall, ongemir a ilumel el mo er a bai.





- ongemil:** (*ongem`il*)
ongemil a ongemai er ngii; ongkdel
- ongemim:** (*ongem`im*)
ongemim a meruul el mo mekemim; ongerekur, titimel a ongemim er a ilumel.
- ongemkii:** (*ongemk`ii*)
ongemkii a ongumk er ngii, ngumk.
- ongemlel:** (*ongeml`el*)
ongemlel a onguml er ngii; klalo el usbechall er a omenguml el ngau; menguml a ngau.
- ongemuul:** (*ongem`uul*)
ongemuul a ongemulel; rruul el di ngii el mecham; di ngii el medeu; bkul a uach a ongemuul; ongemulel.
- ongeng:** (*ong`eng*)
ongeng a olengeng; kemanget e chelellakl el ues, ongeng a klalo er a stoang, ongengii a rael; ongengel a udoud.
- ongengael:** (*ongeng`ael*)
ongengael a kemanget a ues er ngii; ngodech el teletael a ongenael, ongengii; ongengel aklou el bachel.
- ongengedall:** (*ongenged`all*)
ongengedall a kirel el monganged el mei er eou; ongengedii, olenganged, ongengedel a kerrekar.
- ongengedel:** (*ongenged`el*)
ongengedel a nganged er ngii; ngmanged.
- ongengedii:** (*ongenged`ii*) (1)
ongengedii a olenganged er ngii; rullii el mo soal; ngmanged, ungil el dil a mla ongengedii a sechelik, ongengedel.
- ongengedii:** (*ongenged`ii*) (2)
ongengedii a olenganget el mei er eou, ongengedii er a buuch, ngmanged, ngengedel.
- ongengel:** (*ongeng`el*) (1)
ongengel a klekedall el omesiur; ongeu er ngii, ongengel a mlai; berruud a ongengel a techetech el chad.
- ongengel:** (*ongeng`el*) (2)
ongengel a ongeng er ngii, ulengeng.
- ongengetall:** (*ongenget`all*)
ongengetall a kirel el mo er eou; mo er a uriul; monganget, mesaik a ongengetall a ududel el mo rredemelel a urrereel; ongengetel.
- ongengetel:** (*ongenget`el*)
ongengetel a onganget er ngii; olenganget.
- ongengetii:** (*ongenget`ii*)
ongengetii a olenganget er ngii.
- ongengidii:** (*ongengid`ii*)
ongengidii a olengoid er ngii; olechoid; ongidel.
- ongengii:** (*ongeng`ii*)
ongengii a olengeng; omes er ngii.
- ongerdechedelel:** (*ongerdechedel`el*)
ongerdechedelel a ongerdechidel er ngii.
- ongerdechidel:** (*ongerdech`idel*)
ongerdechidel a klekedall el mengerdoched a kall (olekang).
- ongereel:** (*onger`eel*)
ongereel a klekedall el mengereel, ongereel er a ngikel, kereel.
- ongerekii:** (*ongerek`ii*)
ongerekii a olengarek er ngii.
- ongerekor:** (*ongerek`or*)
ongerekor a klekedall el menges a lius, onges.
- ongerellel:** (*ongerell`el*)
ongerellel a ongereoll er ngii.
- ongereoll:** (*ongere`oll*)
ongereoll a uchul a ouach; bebul a buk; usbechall er a omengereel el kerreel; ngii di le ngera el usbechall er a omengereel el kerreel a ongereoll.
- ongeriakl:** (*ongeri`akl*)
ongeriakl a olengeriakl el mong; olengesechekl, ongeriklii a ocheraol el mo Ongeru el buil; ongeriklel.
- ongeriklel:** (*ongerikl`el*)
ongeriklel a engeleklii el mo er uchei; mo cheroid; ongeriklii.





ongeriklii

ongeriklii: (*ongerikl`ii*)

ongeriklii a engeleklia a belsechel;
olengeriakl er ngii.

ongermelel: (*ongermel`el*)

ongeremelel a ongeromel er ngii,
cheremelel, mengarem.

ongermetellel: (*ongermetell`el*)

ongermetellel a ongerumet er ngii,
ongeremetellel a olekang.

ongeromel: (*onger`omel*) (1)

ongeromel a klekedall el
mengarem; chur a ongeromel er a
kall, ongermelel.

ongeromel: (*onger`omel*) (2)

ongeromel er a buuch a
cheremelel, ongermelel.

ongertall: (*ongert`all*)

ongertall a klekedall el mengertall;
oriik a ongertall; kuk a ongertall,
kortellii a chad; kortall, kertellel.

ongertechetel: (*ongertechet`el*)

ongertechetel a ongertochet er ngii,
mengertochet.

ongertel: (*ongert`el*)

ongertel a ongirt er ngii, chirt.

ongertii: (*ongert`ii*)

ongertii a ongirt er ngii, otobed
a ngertel.

ongertochet: (*ongert`ochet*)

ongertochet a klekedall el
usbechall er omengertochet,
ongertechetel.

ongerual: (*ongeru`al*)

ongerual a ngalek er a ongeru el
cheroll, Dilbung a ongerual a delal.

ongerul: (*onger`ul*)

ongerul a ongar er ngii; ongerul
a cheuikl el chedecholl.

ongerumet: (*onger`umet*)

ongerumet a kar, klekedall el
mengerumet; churemetii a smecher
mo beches a delel,
ongermetel.

ongerung: (*onger`ung*)

ongerung a ochur (2), Ongeru el
buil, Ongeru el urreor, ongeru
el ngalek.

onges: (*ong`es*)

onges a ongerekor el menges
a lius, ongesil.

ongesang: (*onges`ang*)

ongesang a rullid el mo
mechesang; mengesang, mesaik el
chad a ongesang.

ongesbel: (*ongesb`el*)

ongesbel a ongisb er ngii, olichel.

ongesbereball: (*ongesberb`all*)

ongesbereball a klekedall el
usbechall er a omengesbereber.

ongeseb: (*ong`eseb*) (1)

ongeseb a ngor er a delongeel a
chelitakl el melutk a bkul a
chelitakl, ongeseb a telengtengil
a omengesols.

ongeseb: (*ong`eseb*) (2)

ongeseb a kall el ngeso er a
omesurech.

ongesebel: (*ongeseb`el*)

ongesebel a ongeseb er ngii; mengeseb.

ongesechakl: (*ongesech`akl*)

ongesechakl a klekedall er a bai, blai.

ongesechall: (*ongesech`all*) (1)

ongesechall a kirel el mongasech
el mo er a bab; ongesechii,
ongesechel a tax.

ongesechall: (*ongesech`all*) (2)

ongesechall a kirel el mongasech
ongesechii a olterau a ice,
ongesechel er a kort.

ongesechaol: (*ongesech`aol*)

ongesechaol a klekedall el kirel el
mechesuch; ongesechaol er a
ngikel, ongesecholel.

ongesechekill: (*ongesechek`ill*) (1)

ongesechekill a kirel el mongasech;
ongesechii a merechorech er a kort.

ongesechekill: (*ongesechek`ill*) (2)

ongesechekill a kirel el
mongesechekl; rredemelel a mo er
a bab; ongesecheklii, ongesecheklel.

ongesechekl: (*ongesech`ekl*)

ongesechekl a olengesechekl;
remuul el mo er a bab e mo betok;
ongesechekl a ududir.

